



U toku 2004. godine u periodu od 12.06. do 29.08.2004. godine članovi Udruženja ljetovali su u: Republici Hrvatskoj, putem Međunarodne štafete prijateljstva i mira (Slovenija, Austrija, Italija, Češka, Poljska), Njemačka i BiH (Goražde-Vitkovići). Ukupno je na ljetovanju preko Udruženja, učestvovalo 210 djece, a ukupna vrijednost uloženi donatorskih sredstava za ljetovanje iznosi oko 46.544,00 KM. Iz sredstava Udruženja 8-ro mladih stipendista je nagrađeno ljetovanjem u Omišu, Hrvatska u trajanju od 8 dana.

R.B.	Mjesto ljetovanja	Broj djece
1.	Republika Hrvatska-Omiš	64
2.	Međunardona štafeta mira i prijateljstva	17
3.	Njemačka	9
4.	Goražde-Vitkovići	120

Pripreme za upućivanje djece i mladih na ljetovanje realizovalo je radno osoblje uz pomoć volontera i stipendista Udruženja. U cilju podizanja nivoa odgovornosti za uspjeh ljetovanja, Udruženje je za svaku grupu prilikom upućivanja na ljetovanje angažovalo pratioce. Prevoženje, smještaj, ishrana i potrebe za edukativnim, rekreativnim i zabavnim sadržajima realizovani su u okviru realnih prostornih, materijalnih i drugih mogućnosti. Zdravstveno stanje djece i mladih bilo je na zadovoljavajućem nivou.

Interes djece za aktivnim uključenjem u korisne i organizovane dnevne aktivnosti bio je različit i zavisio je od pripremljenosti pratilaca, njihovog iskustva i odgovornosti za animiranje djece. Ovaj vid pomoći djeci i mladima kontinuirano pokazuje pozitivne rezultate. Tokom ljetovanja djeca i mladi Udruženja upoznaju se sa svojim vršnjacima iz BiH i inostranstva, upoznaju nove zemlje, njihovu kulturu, običaje, kuhinju i dr., i tako proširuju i produbljuju sopstvena znanja i stječu nova važna životna iskustva.